



丁野鶴先生編

新編楊樹山表  
忠蚺蛇膽

命  
茲刻一脫鳴鳳記枝蔓專用忠愍為正脚起孤忠于地  
下留正氣于人間全摹年譜不襲吳趨本奉  
進呈未敢自銜姑公之海內以補忠經云尔



弁言

忠愍大節如日星海嶽。弇州題碑。中郎之誅有道。無媿辭矣。後人敲音推律。被之管絃。以其腴而易傳。婉而多風也。曩如鳴鳳諸編。亦足勸忠斥佞。歟。是以鄒林為主腦。以楊夏為鋪張。微失本旨。

今上幾務之暇。覽觀興歎。思以正之。嗣以辭曲非本朝所尚。慮有旁啓。未渙。

綸音相國。馮公司農傳公相。顧而語曰。此非丁野鶴不能也。于是禮屬殷重。野鶴受書。屏居靜室。整衣

危坐取公自著年譜。沉心肅誦。作十日思。時而濡毫。迅洒午夜呼燈。時而劇心。斷鬚經旬。閣筆閱數月。而茲編成。曰姆蛇膽。志實也。曰表忠。颺美也。繕寫裝演。質之二公會。有以後。踈一折。借黃門口吻。指前代救政。搢紳陋習。過于賈生之流涕。有如長孺之直慙。復屬筆竄。慎重入告。微詞著書。大臣體應如是。無如野鷲五十年來。目擊時事。髮指眦裂者。非伊旦夕。嘗以不能躋要津。職諫議。抗愾敷陳。上規下戒。比于魏徵。陸贄。送送見之。悲歌感歎。茲幸從事編纂。得少抒積。

衷。方掀髯大斗。輾然以喜。乃欲令之引嫌。避忌。頓馬自更。野鷲然乎。扶于是。歛藁什襲。擬付名山。才人之志亦復如是。是亦足以見出與廢之難與易矣。嚙嚙。凌雲褒美。揚雄之賦。以傳枕秘。燕書王充之論。未泯。立言不朽。要自有萬丈光芒在。矧表章忠義。非所埒于鞏繡之辭者乎。野鷲之文。可傳。其不欲必傳之心。尤可傳也。

順治己亥中秋

保陽謫史郭棻芝仙題

新修楊忠愍公蛇蟻表忠記目錄

上卷

第一齣開場

第二齣失忠

第三齣佞壽

第四齣飯牛

第五齣忤奸

第六齣哭表

第七齣侵邊

第八齣盟義

第九齣分錫

第十齣保孤

第十一齣辱佞

第十二齣馬市

第十三齣憂國

第十四齣前疏

第十五齣射像

第十六齣誦遇

第十七齣梟鸞  
第十八齣化番

下卷

第十九齣醜警

第二十齣毒諧

第二十一齣修本

第二十二齣後疏

第二十三齣託子

第二十四齣揮膽

第二十五齣代夫

第二十六齣割股

第二十七齣謀殺

第二十八齣赴義

第二十九齣天變

第三十齣驚別

第三十一齣亂聚

第三十二齣感夢

第三十三齣冥提

第三十四齣陽誅

第三十五齣題墓

第三十六齣封廕

進呈楊忠愍蚺蛇膽表忠記上卷

擬

容城縣教諭瑯琊丁耀亢編

忠愍 裔孫金容楊遠條校

第一齣 開場

蝶戀花 閱盡浮雲堪問世，青史茫茫多少英雄淚，筆  
下風雷招鬼泣，還將浩氣留天地，賦柳評花何所益。  
萬古千秋止有忠和義，一統山河歸順治。  
朝重表忠臣記



滿庭芳報國孤忠，捐生赴義，明朝獨著楸山巖。嵩首  
相父子，擅朝權，結佞傾賢，蔽主開馬市，黨弁仇鸞，奮  
白簡，疏陳廷杖，謫尉戍窮邊。有羣賢抱憤，奔洲沈鍊，  
取禍譏彈，至邊防破敗，特起超遷。二疏誅奸十罪，題  
詩句赴死，堪憐。元惡僂一門封廕，千載祀旌賢。

不怕死的楊忠愍，揮却蚺蛇膽。

極善佞的趙文華，爭獻長壽丹。

世濟惡的嚴世蕃，廣求香唾盂。

美正氣的衆御史，誅藉老神姦。

第二齣

矢忠

萬言調先天韻

瑞鶴仙

生儒服上

懷璧青雲遠，論雄才浩氣，臯夔堪

展家貧，嘆炊短，况椿萱久棄，鵲鴿非伴，初諧伉儷喜。

落落生平氣，志雄倚天，孤劍吐長虹，阮生失路，心

常壯原憲家貧道，未窮空耿耿，自忡忡，欲將直道

挽頽風，平生大願，非溫飽，常抱酬君報國衷，小生

姓楊，名緝，盛別號楸山，保定容城人也，負性豪雄，

襟懷磊落，孤鯁自命，常存史子魚秉直之風，清白

為心頗有楊伯起不奪之節，爭柰椿萱早喪，兄弟孤窮，因家貧而舌學無資，欲廢業而榮親有志，且喜新婚張氏，頗稱賢淑，操井臼時佐耕讀，績絲麻以給燈火，只是長兄因家道消乏，不肯助我功名之志，常要使我廢學力田，屢辱相舌，這也不在話下。一言未了，娘子早到。

緱山月旦素粧上中饋續寒烟，荆布伴殘編，泣牛衣。

何日望高騫，柰孤身淹寒，辟纆井臼環堵蕭然。旦見

介相公萬福生娘子到來，我想古人窮困之時便

已存心天下，成名之後，即可致身皇家。我今獲親已逝，不能行孝于終天，止有報國一途，可以垂名于後世。若不讀書博一科第，豈不把平生事業付之枉然了。旦相公你貧而好學，儒家本等，我躬操饔爨，婦職空然，請自穩便，妾織麻緝絮，少助燈油之資，有何不可。

玉芙蓉生名言富簡篇，古道留墳典，似楊清激濁，翊

聖尊賢，春秋可代天王傳，經謨尚存左史言。合江河

變，嘆頽波久延，遇明王，願學鷹隼擊權奸。

前腔生蓬門雨雪偏。草野文章賤。喜朝耕夜誦風牖。  
燈簷機聲絡緯還相勸。戛戛功名須併全。合休嗟怨。  
想前程在天。遇明王。須學草渭濟長川。旦相公在此  
讀書妾在隔窻緝些絮麻。請自方便。正是聞鷄舞  
劍英雄志。借火分燈寒女功。且下生娘子去了。不  
免挑燈把史書內忠臣烈士遍觀一會。

傾杯賞芙蓉。生看書介。百代興亡事。朗然忠佞存衡。  
鑑羨折檻朱雲。借劍除賊。抉目鴟夷。伏闕明冤。仰望  
夷指鹿朝綱。亂城社業。孤國步顛。合真吾願報君恩。

國難似神羊觸毒。血淚洒龍泉。我想大丈夫七尺之  
軀。碌碌容容。要此富貴何用。士大夫窻下讀書也。  
有慷慨自命的。及至得了一官半職。遇着朝廷大  
事。他就藏頭避禍。不敢出一言為國。如今世上人。  
到說此等人。是保身熱套。

前腔富貴浮雲瞬息遷。兒女情何戀。既結綬彈冠。受  
爵登朝。肯依違權佞。鼠竊狐涎。如今邊庭多事。文武  
偷安。眼見的明運將衰了。俺若得志呵。願捐軀誓  
挽流波轉仗劍先清濁亂源。合前

內云燈裡無油二官人早早睡罷你明日不去放牛家裡又無草料在這裡說甚麼鬼話生應介大哥我知道了我楊林山是極善放牛的

一撮棹生牛口下掛角可通玄英雄志難入世俗緣  
星辰暗寶劍泣深淵聞鷄舞空欲着先鞭合無衣歎  
途窮怎消遣餘牛去長夜且何年

尾聲生燈窻且自收黃卷此日丹心誰盼但願青史  
流芳姓字傳

抱膝長吟月未明 讀書看劍夜三更

男兒不有英雄志 安得千秋萬古名

按楊氏全集年譜內忠愍自述其苦學後之  
致身君國實從學道稽古中來故當以此齣為

立忠之始

第三齣 佞壽

步蟾宮丑冠帶吉服上閑來清夜心中痒不敢把朝

靴穿嚮權門今日鬧稱觴要在他人頭上傳帶我冠

是一官當場扮出衆人看任逐自古無公道論佞

趨時保素食自家趙文華官拜刑曹員外是也今

日為何起得這等，半夜裡起來，穿了吉服打蕪  
從人迴避，來到嚴相國老爺門首，只因今日是他  
生辰，求的一個海狗腎，打了七寶金溺器，要趕個  
頭湯，等到天明，那九卿六部多少衙門，都來拜壽，  
那顯的我小趙這一點孝心，若得老爺心喜，說拜  
跪一個親生生嬌滴滴的一個猶子比兒，我小趙  
再不愁官小了，當此四更半夜，料無有第二個能  
鑽似我趙文華的，恐怕西巡官兵遇見，不當穩使，  
員在相府門傍，墨影邊待他開門，一溜而入，有

何不可，虛下末吉，取上少小，惟勤學，權門可立身。  
非關半夜起，恐有不服人自家，駟茂卿，官拜兵科  
給事是也，為甚麼起的這等早，也只為相國嚴老  
爺今日生辰，我父拜做門下乾兒，與嚴世蕃大爺  
以弟兄相稱，恐怕天明，那九卿六部科道兩衙門  
拜壽人多，顯不出我們做兒子的一點孝心，我  
二十四個真正真錢，又織成姑蘇走毯，只得趕個  
秀湯，帶着二十兩雪花銀子，只求他門上長些，寫  
一洞門簿的壘卷，求些天色尚早，不當穩使，且

在相府槐樹影邊，天下會鑽的也，再沒有我第二個，驛棧鄉了。  
〔虛〕下頷。〔丑〕虛下頷。〔末〕作撞頭。〔天〕介。〔丑〕末大叫介。拿賊。拿賊。〔末〕掩口求。〔丑〕介。青天白日，那得有賊。  
〔丑〕笑介。一夥佞賊。〔揖〕介。〔丑〕鄆老先生，求職居給諫，有何軍國大事，求得這等早。〔末〕趙老先生，是刑案烟兒，想為斷決大事，上衙門這等勤。  
〔衆〕又笑介。〔丑〕老先生可謂同心矣。〔末〕二人同心，其利斷金，同心之言，貽臭萬年，且不以大家相戲，請問是河禮物。  
〔丑〕小第一刑曹冷局，不過常品，下程杯

綴而已，請問老先生，何禮物。  
〔末〕小第一善官，真向來因與嚴東樓，共酒相往，不過套禮，討京已名，四顧從人介。衆抄二從人持金溺器，絨毯上未掩口物。  
〔天〕笑介。末趙老先生，這金溺器上面造有尊諱，又是七寶鑲成，人再不能勾想到此處，真用心極矣。這海狗腎，一名腦朮，真的極少，又有製造長春藥酒，一發絕妙，只是一件，未免俱在。道上用工夫了。  
〔丑〕見末物，大笑介。鄆老先生，這床絨大卧毯，想是看着他家新樓的式樣，織成，雖

齊整，還不火緊，只是金合內大珠嵌的真鈴，拿在手裡，連半臂都是酥麻的。苦心苦心，只是一件，未免也在此道上做工夫了。共嘆介：天色漸明，各衙門必然共到，我們隨班一見，甚是無味。把門兒見重重與他，且躲在開房內，待各官見畢，一時私會，留下家晏就妙了。**末**說的有理。**虎**下介。**淨**扮嚴嵩，隣玉副**淨**扮世蕃，吉服裹扮，從人隨上。

**戀**芳春**淨**變理金甌，調和王燭，九重聖眷當陽別有。監梅心用，反覆平章，副**淨**紫林宗專，聞秘報，但雙手全。

收宵壤，合當朝望正，雙龍濟美，壽添海屋悠長。

**淨**黃閣當頭第一，不紫泥丹詔，慶長春，聖朝無事。

煩朝變，常把天顏問，正自家姓嚴名嵩，字介溪，江西分宜人也。官拜當朝內閣大學士，兒子嚴世蕃，職居清要，位列臬卿，父子擅朝權，可比安石之。王粲家庭操國柄，何異賊京之蔡攸，小兒既善揣摩，老夫又工趨佞，以此勢焰薰天，威權蓋世，一喜而百官生色，一怒而九族遭殃。今當壽辰，可有酒餚，伺候副**淨**已齊備了。**衆**報報報，萬歲差司禮監。

公特頒御酒金幣，將到稟老爺接旨。旦扮內監，捧兩幣上。全家受寵，沾天祿，明主興美，重國鈞。意意。不知老先生，並擬持這學生親領酒幣，賜壽。恐疆疆。學生還談一拜。亦到亭拜介。萬歲萬歲萬歲萬歲。請請。老公公小小。旦聖上駕幸王芝宮，不敢側離。因此此。告別，未見老臣調鼎為先，勞聖壽，賜梅。旦下。眾眾。稟老爺翰林院學士，同左春坊庶事府眾位老爺。投帖到廳。淨叫人磕頭收禮。眾稟老爺六部人堂堂。者察院同九卿俱投帖到廳。淨回了。眾稟上。三

兩衙門禮道眾官職名候見。淨免了。眾稟老爺

順天府領兩衙門督領官手本稟上。淨一發不必

了。眾送副淨手本介。稟上大人，今有兵科鄧茂卿

同刑部員外趙文華，有梯已手本叩見。副淨送手

本與淨咲介。此二人到有，冷知趣，請見後堂相見。

丑木入作卑趨進叩介。太師今當萬壽，小子幸切

三生愧乏芹祝，少充下陳。各獻禮，再叩介。淨生受

了。世蕃可將二位禮物全收，即留後堂家宴。虛下

副末扮差官隨四妓上。離却元帥幕，早登相府堂。



門上有人磨小官是大同咸寧侯總戎仇老爺。下差來與太老爺祝壽的。先傳手本門下長班。常例一百兩。掌家禮在外。請煩稟報。衆曉。淨介。淨念手本介。門下走狗義男。鎮守大同總兵官仇鸞。薄具黃金二十兩。明珠五百顆。歌妓二十四名。兵稟呈送。淨大咲介。知趣。知趣。叫歌妓進來。禮物。擡入後堂。留差官賞飯。明日討。差。笙歌。歸院。蘇。燈火。下樓臺。下。淨我兒。這仇。真是一員大將。只這個禮。就談永鎮三邊。即傳。司一位。同。

衆一會衆同上。到淨行酒。丑挨次行酒。同叩外奏。

樂介。淨美人有何新曲。可歌來。俯酒。衆旦進酒歌。

舞介。

杏柳娘。旦合唱。泛金波酒香。泛金波酒香。盡堂高敞。

天香仙樂音嘹亮。舞介。舞霓裳袖長。白紵過雲。紫驪。

珠催串响。衆跪進酒介。喜蟠桃正芳。喜蟠桃正芳。五。

福駢臻。三花齊放。

前腔。淨。仗當今聖皇。仗當今聖皇。雲平仙掌。玄芝玉。

露欣同賞。副淨。佐調元有方。佐調元有方。騎虎勢須。

防從龍路莫廣衆進酒跪介合前

前腔丑祝尊慈壽昌祝尊慈壽昌海籌添絳岡陵幸

許緇塵傍末望椿齡永康望椿齡永康願作小兒郎

舞綵親扶杖丑末跪進酒介合前

副淨新起東樓可以翫日餘興未盡移席前去淨

東樓東樓大事不要出頭副淨介溪介溪百事要

我發揮衆笑介好一座東樓將鄧先生絃穩鋪地

恰好衆寬大看酒來旦小旦奉酒介

前腔副淨看紅樓夜光看紅樓夜光雲開天爽朱榮

十二清風曠淨醉介任星辰斗芒任星辰斗芒河漢

倚笙簧朝野從榛莽合前

二旦扶淨下科副淨向丑介趙上元生還要借重典

仇總兵說知我老爺的二十四名歌妓要做肉屏

風我嚴東樓二十四名香唾盃一個也少不得丑

小弟與仇將軍景厚即當轉達那大同府人材之

地要此美人何難副淨知趣知趣衆夜深了大爺

請回多謝了

副淨醉倚高樓眼欲空丑喜隨紅袖舞東風

未從今願學老萊子合新向權門拜父公

評 褒忠則必斥佞，有丑淨而生旦，始可傳神。至忠孝節義之曲，尤忌板執，易使觀者生倦。故必借以開笑口，且小人逢迎，有甚于此者。

第四齣 飯牛 商調寒山韻

旦素粧上 蕭蕭風葉蓬門暗，促織催机鳴夜半。不是買臣妻，何愁百里奚。奴家張氏，自嫁與楊樹山為妻，他決志讀書，甘心貧苦，奴也不辭箕帚，焉

西施紫衫兒 披狼豕，要也棄了儒業，專力作農。昨日送將牛來，與他收放，不認他，就要分析，各居似此如之奈何，看他到來，作何計較。

二郎神 旦 空嗟歎，為藁砧、壘塩塲感。夜雨螢窓，和雪

業謀生乏計，怎禁食缺衣單。須知煮草長途悲日晚，更家貧閱牆多患。苦愁煩，好教人徘徊無計遮欄。

生 朝放牛，暮放牛，短笠長鞭，坐看犢鼻，禪持鞭上。龐頭掛角，橫經真快樂，不學甯戚，干齊侯。娘子在家煮飯，我自郭外牧牛，一面看書，聽我道來。

前腔換頭生非難南山石爛長歌自反掛角橫經歌

夜旦我想古人多少收禾餅牛後來黃迹做了一代

名臣何況俺楊耕山草茅下士何妨雨鬢風鬟牛

口生涯心自坦又何勞悲歌王粲情無限聽笛聲耕

草日暮牛還旦原來你有這等高興正是牛衣不作

王畜泣雌伏何妨百里窮旦下生持鞭作收牛讀

介

林鶯夕陽影裡牛背懶升阿飲水盤跚牛叫我楊

耕山者你代人耕作像似人臣素食你努力反受

鞭管正如忠臣受徇一樣開疆展土人輕賤被鞭

箠骨力摧殘長林短澗平坡豐草無牽絆莫偷閑官

家用汝截角去掛天山收牛將飽不免坐此崖頭樹

下看漢書一會坐展書介小生紫衣漫人上

前腔小生風塵荏苒岐路遠邊方日落雲寒長安漸

覺看花慣沮津梁澗水潺潺行來到此一片大水不

知上京官道前面有一人在此放牛正好問路可

去問來問生不應介小生披蓑展卷是那蒼將人

輕慢漢子問你上京大道因何不答莫非是啞的麼

咤非凡盈盈一水全不顧征鞍生倦在此看書尚且

意不在牛那曾聽見你問路小生原來是位朋友

是小生得罪了作下馬共揖介生小生偶爾牧牛

因讀書失答仗乞恕罪小生小弟赴京會試迷途

天晚仁兄神游上古小弟幾失異人請問高姓下

次好相會生小生楊繼盛字叔山容城人也何幸

相逢敢請姓字小生小弟王世貞字鳳洲江南人

也以赴京會試得遇仁兄此間所看何書生小弟

因讀前漢劉向傳為保舉蕭望之一本反為奸黨

石頭弘恭所殺不覺憤然而怒煩兄歸路有失西

答可

啄木鷓生思忠烈憤國姦懷古情深淹淚眼論我輩

為國酬恩又何妨抉膽披肝因以上留連古史斜陽

岸投鞭不顧征人盼是小弟一時失膽有難了去此

不遠到寒舍一飯何如小生小弟要趕前途伴

不得奉拜名謝了生欲追板茅容鷄黍愧未具壺

餐小生小弟今日幸遇仁兄呵

前腔小生高人遇世路慳傾蓋班荆今日罕嘉客

立誓行藏徵他日瀝血傾丹今年正當大比仁兄何

不出仕邊廷國步方多難宸衷廟筭仍宵旰知元

此等氣節今日絕少如肯出任呵濟危艱迷邪懷

實何惜售琅玕生小弟家貧尚苦不能力學安敢望

此且今日朝廷之上如何做得事業生小弟因

家父宦游北方自江南到此尚有餘資倘仁兄不

棄願以紫貂為贈雖不足供相如之游少充梁鴻

之釜竊願結義以訂他日生小弟草野寒士仁兄

上國名家豈敢妄扳有玷珠玉生說那里話仁

兄請上就此奉拜共拜介

琥珀猫兒墜生雷陳高範相遇在河干膠漆同心

頃刻間徐孺何幸遇陳蕃金蘭風雨同袍訂盟非淺

生小弟既蒙不棄也有一拜

前腔生拜唱飯牛忘返草野愧鷄壇河水漫上路柴

浮豈期相遇孝廉帆羞看土木形骸玉山實報生

小弟在京寓報國寺東廊還有許多故友仁兄鄉

試可到彼相會生多謝了

尾聲生相逢似合張華劍生握手河梁淚不乾合

行路悠上信可刪請子小生先下生甲塲鳳洲墨

名士真不凡也

飯牛歸去又斜陽 知己相逢引話長

從此千秋同一氣 中原麟鳳有文章下

評 飯牛出于忠愍寔錄所以見其高苦而隨寓

自得之樂內挿入鳳洲邂逅一段愈見生動

其始終生死之交寔訂于此

第五齣 忤奸 北仙呂調魚模韻

北點絳唇外璘玉持笏於夏上一統皇圖邊庭多故

文和武誰佐訂謨元宰尸君錄大明遷宇鎮關東三

輔兵運四塞中一自陰山掃朔漠至今猶自恨和

戎老夫夏言官拜內閣大學士與聞机秘忝朝廷

心膂之任位冠百僚叨保傳端揆之位每見國事

絲更也魯告老歸林不料聖上眷注又復破格超

用自出山以來也要替國家做些寔事我朝經土

木之變河套淪于北方至今不能恢復以致俺答

犯順結連西邊綴我偏師蹂躪內地自今文武偷

安上下斷絕庶吏以熟軟佞柔為做官之活套大

序以推委規避、假鎮靜之虛名、如此者、來明朝天下、不待百年而亡矣、俺夏言年過七十、官高一品、于此不言、更待何時、昨已上恢復河套一疏、特薦都御史曾銑、為遼東三邊總制、自出關來、果殺有為、頗多方畧、誰料總兵仇鸞恃寵驕恣、交結嚴嵩、老賊不遵提調、幾致敗師、老夫昨日已上一疏、料嚴嵩不服、必來作對、須索將老賊納賄擅權一一面奏、來此東閣、遠、見嚴嵩來也。

前腔 淨 隣玉持笏上 位列元樞、羣僚趨附、權如虎相。

業奸諛補衮、將何補、俺大學士嚴嵩是也、早間世蕃

來說、司禮監王公公秘報夏言有疏、參仇鸞不受節制、其中多有干連、老夫言語甚是無狀、料他放我

不過、來此與他面奏、一發結果了這廝、以除此患。

見外 怒介 老先生昨日好疏、學生正要求教、既說

仇鸞納賄、要結大臣、必有所指、外 怒介 何消說、這

是有憑據的、一千兩黃金、二十四名歌妓、難道是

說不成、淨 這等說來、老先生是特參我了、外 也不

見得、淨 唉介 你何所見、這等激怒也。



混江龍外非關激怒恨權奸壞國逞妖狐真個是豺  
 狼當道雀鼠穿窬向人前蜜舌劍腹偏有些假忠的  
 籠馭無人處奴顏婢膝做出固寵的權謀通內侍  
 知君王喜怒結債帥把疆宇丘墟樹私門收了言路  
 布邪黨占了王衛你要把大明朝金甌鉄桶江山賣  
 全不肯為朝廷仗義直言把社稷扶一味價煽權納  
 賄結黨傾孤扭淨介老賊待我和你面奏淨嘆介只

怕你後悔呀內二臣有何面奏就此披陳淨外跪

介

油葫蘆外俺只為恢復河山有定模那仇雋他抗違

節制擅邊隅倚仗着銅山金穴賄奸徒全不顧失玉

門千里把大遼傾到做了調金牌十二把英雄悞也

道是嚴閣老假乾兒李林甫真慈父因此上提兵十

萬稱樞府不帶那催兵羽檄掃伊吾內仇雋不受曹

銑節制恐失大同軍機已有秘本交結嚴嵩有何

的據

天下樂外他有金屋明珠進媚嫵粉也麼宋工歌舞  
 肉屏風花朵人如玉假邊功妄殺頭顱冒蔭封漆

名目總只為東爰三窟借郡邸內嚴嵩奏來淨跪介

臣嵩啟奏

寄生草中夏言他無事開邊釁同私假廟謨那曾銑

呵虛名冒餉開軍數帑金百萬同分取長城千里難

相顧那仇葛呵雲中鎖鑰奉兵符奸臣反把忠良妬

內官裡道來夏言妄開邊釁曾銑辱國敗師撓敗

兵机訛毀朝政羊有拿送錦衣衛同曾銑勘問嚴嵩

照舊視事不必謝罪淨萬歲萬歲萬歲上歲淨下雜

抄校尉拿外介寬哉寬哉做忠臣好子也送來直

道難容忠臣受禍也不止我夏桂洲一人只可憐

國家邊事送今再無人敢講了

賺煞尾外總喚醒子胥愚又逼對蕭何薄因其的強

錚錚把金城恢復要百二山河壯帝都外脫衣冠介

解了朝服辭了簪笏這是俺做忠臣結果酬功處難

校催行介嘆塞翁禍福笑浮雲榮辱方信道知機明

哲賦歸歎下

評桂洲明史中賢相也分宜以私忿譏殺之人

神共憤故首以此定嵩之獄焉後忠愍修本

羣公同義皆由于此用比調頗合鼓律一洗南廩

第六齣

哭表

仙呂調真文韻

卜筮子末冠帶上觸目傷心盡萬事愁難忍痛哭當年報漢疏多少孤臣恨落葉長安不可聞批鱗空自問高旻丈夫熱血憑誰洒夜半挑燈泣古人下官沈鍊別號青霞官任錦衣衛經歷祿微官卑雖無謀政之權腸熱情痴常抱傷時之憤俺平生最喜諸葛武侯前後出師二表時刻不離近見國事

張人臣欺蔽邊方多事上下猶安一腔憤氣無可消除提因問老嚴嵩攬權納賄無人敢言胸中甚是鬱結不免取出師表高誦一番以斗酒澆之少破幽憤對案展書介侍兒可取酒一壺伺候小童提壺盞上紙上古人飲酒恨酒中狂客自澆愁老爺酒在此請寬了冠帶更衣介我在此看書你且迴避待我自己酌酒小旦老爺請自穩便下末看書介臣本布衣躬耕南陽先帝三顧臣于草廬之中由是感激遂許先帝以馳驅飲酒介

桂枝香末孤忠自審君恩難泯隆中知遇非常白帝  
托孤專信看他一則曰先帝再則曰先帝歎君臣泰  
交又遭逢非分難忘顧問哭介苦披陳要將効死酬  
忠意報答先王未了恩那時後主昏庸黃皓亂政  
兵志在恢復反被宦官攪亂因此舟上出師表待  
我看來又飲介臣聞王業不偏安漢賊不兩立空  
前腔偏安自困漢賊未殞既言官府當同又惜資財  
周盡他說鞠躬盡瘁死而後已成敗利鈍非臣所知  
要鞠躬盡瘁又忠謀勤慎不辭利鈍哭介痛孤臣出

師未捷身先死常使英雄淚滿襟又大飲一斗大哭

出散介小旦上夜半三更老爺書房大哭不知為  
何想是狂病又發了且去看来老爺因何不飲酒  
在此洒淚末大哭不止介侍兒你那知俺的心事  
折令君臣一道沒有寔心為國俱是尸位素餐欺  
哄朝廷的那得諸葛孔明這樣忠臣來所以要哭  
起來的小旦請問老爺漢朝至今有多少年代末  
也將有一千餘年了小旦這等是哭不活的老爺  
是替古人擔憂且請飲酒替諸葛武侯解愠何如

小旦奉酒未咲介倒也解得有趣雜上報介裡面  
有人麼今有聖旨發下內院夏老爺三法司會審  
要下錦衣衛監獄稟老爺快進衙門伺候未驚介  
有這等事咳、朝廷紊亂如此還做甚麼官

解三醒恨權奸把朝綱攪混致忠良阱陷無門似他  
沒良心的偏有高官運這些行正道的反遭仇釁我  
只為士師直道終三黜說甚麼廷尉持平有五申合  
綱常紊這的是明君信佞佞悞明君

前腔換頭俺欲學批鱗回主聽那里有減法平刑漢

孝文覆盆冤不叩帝天關嗟楚客何故尚招冤只落  
得奸雄志快寒灰溺烈士身殉熱血噴合前

我想丈夫七尺之軀生死有命與其辭官何如秦  
藏萬一本就是捐生報國也不枉了我哭出師表  
一段肝腸待兒取冠帶來且往衙門一奔自有分  
曉小旦老爺還要小心不要發狂未痴妮子知些  
甚事快去小旦下

痛飲讀騷客自痴 賈誼太息淚如澌  
平生善哭真堪笑 不是楊朱泣路岐

評 按忠愍參嵩疏首云徐學詩沈鍊已先參之矣及聞皇明法傳錄內載鍊參嵩父子十惡後之禍甚于忠愍至痛哭出師表野史詳之故附入

第七齣

侵邊

北仙呂調家麻韻

北點絳唇

鳴角掌辨淨扮番王上

勢壓中華威傾方

夏驅鷹馬醉擁琵琶直取明朝駕十萬貔貅夜渡河

賀蘭山外黑風多自送奪却陰山地  
笑殺南朝日講和俺乃西番小王子帳下俺答是也大元蒙

之後世居西塞之邊自明朝土木一敗天順北狩還朝許俺通貢講和河套仍歸沙漠近來馬蕃生疆土漸廣控弦十萬戰馬千羣俺國中有觀天象的說王氣聚俺北方不久該生聖人入主中國他明朝那臣亂政失國不過百年因此俺結連北邊河套一帶部落將西邊土牆盡行拆毀但我家得勝天鼓先响即叫把都兒們搶進雁門關便了內擊鼓介雜上稟上即主天鼓吼鳴正好進兵前去淨就此一齊上馬各上馬介

水底魚雜衆丑末各帶刀上威威鳴笳。檀房無定家。  
駱駝捆載，狐裘箭亂插。白狼河上雪生花。喫烟酒，鬧  
戲耍，打老鼠，趁巴巴。

〔淨〕把都兒們，你看南朝全無一人迎敵。大同仇德  
兵差人求和，送銀五千兩，求俺往太原一路，只得  
從西口出兵，留些人情給他便了。

包子令〔淨〕點起番兵似老鴉，似老鴉雁門口外起黃  
沙。起黃沙，猛公送了幾皮搭。大同一路且饒他。〔合〕金  
銀滿載，可堪誇。吉流骨碌亂搭刺，舞下。

第八齣

盟誓

南呂調木侯韻

小生紫衣從人上。書到妙時讀易盡，客有可人期。  
不來世事相違，每如此，好懷能得幾回開。小生王  
鳳洲因在京會試，寓報國寺讀書，原與容城楊樹  
山結為兄弟，約來相訪。自鄉試之前，再訪不出他  
的寓所來。昨看試錄，他已高中二十一名，甚為可  
喜。料他極重信義，必不爽約。只久不見到，好悶人  
也。

顏盡眉。小生坐對西風嘆貂裘，只見伐木丁丁鳥更

幽作鳥鳴介 嚶鳴求友過林丘 閑庭雨過黃花瘦 明月懷人不自由

外上 小生鄒應龍 臨安人也 因訪鳳洲 又赴重陽之約 來此報國寺了

前腔 有客重關訪 玄修風雨松枝偃 翠札書聲遙隔 古經樓 蒼苔斜印 把門兒扣 只見大吠花間夢正悠

末上 小生林潤 莆田人也 因與鄒兄同來訪王鳳洲 他已先行 來此便是

前腔 末 古寺垂楊繫驂駒 下馬東廊問子猷 非因看

竹駐鳴驕 中原麟鳳 王家秀載酒堪為問字遊

生青員領上 小生楊椒山自入都門 鄉試未得 奉訪鳳洲 因放榜之后 俸而叨中 今日訪得他在報國寺東廊 特地拜他

前腔 生 林間傾蓋結綢繆 僥倖京華桂子秋 松間古寺好科頭 原來諸兄俱在門前 想是鳳洲之寓了 名家聲氣還多偶 諸兄請了 共見介 說劍談詩幸有儔

小生出迎介 諸兄請進 小弟一時失迎了 各揖介 椒山兄 榮登鄉薦 高列賢書 小弟喜而不寐 可贊



可賀生小弟自愧庸淺，僥倖孫山，得附來年会試，  
典仁兄入場，寔為萬幸。小生今日重陽，備有斗酒，  
幸諸兄同心雅集，正宜借此少消客中孤寂，請同  
到殿前松下暢飲。衆只是過擾了。小生看酒來。

行酒安座介

梁州新郎生松林精舍，蘭誼高友，白露金天時候，桂  
香飄馥，相逢麗藻名流。小生恰好囊萸尋勝，佩菊登  
高，節序還重九。今日此會，也不是偶然，德星千里聚  
在皇州，太史應占聚璧貴，合共飲，介人事改，交情厚。

任江河反覆仍依舊，同氣節，歲寒久。生心身久居華  
野，不知今日朝政，這等乖張，雖僥倖科名，還要做  
些寔事，如今黃霧四塞，天愛日多，國事可知矣。諸  
兄以為何如。

前腔外氣冲雲漢，眉藏星斗，青眼何期邂逅，知心傾  
倒，非同陌路浮游。末要學啣石精衛，恤緯孤嫠，力補  
青天漏，浮雲能蔽日，使人愁，劔老龍精泣不休。合前  
衆上：有事不敢不報，無事不敢亂傳，衆位相公還  
在此飲酒，今有嚴嵩老爺，參拿夏老爺，送錦衣衛。

說他妄開邊釁，失悞軍机，拿了搃制曾銑來一同問成死罪，拿去殺了，妻子俱發海外，你們還不知道。生大叫起介有這等事，莫非虛傳。雜小人親見。衆起立同叫介有這等事，朝外唱。

前腔 生 恨奸邪毒並蚩尤，黑茫茫烟迷白晝，似妖狐厲鬼九尾藏頭。末 這些天災，應在今日了，怪得排空黃霧，吞日紅光，災變重。外 小弟倘一日得志呵，陳蕃當破柱，滅陰柔，懸首駢誅，報國讐。合前。前腔 小生 歎邊功破敗難收，惜國事顛連，莫救痛老。

成為國竟遭謀構，從此連疆之事，再無人敢言了。縱有金城方略，青海奇謀，誰敢輕開口。取酒來與諸兄。今日對天發願，諸公能破浪，願同舟，共挽頽波砥。

柱留合前

生向衆介 大家在此，向伽藍一拜，共拜介。

節節高末 忠良志可酬，借同仇志，同道合應堅守。風雲湊刺虎牙，屠龍手，誅奸自有機關，就回天棒，日終須有合 坐待風雷上天梯，何須草莽空傷憊。小生 小弟

聞知一人，號沈青霞，甚有義氣，現在錦衣衛，見夏

桂州遭讒，甚是不平，想職小也不能解其禍。

前腔外讀書探索丘，豈沐猴衣冠肯作權門狗，誅邪  
醜借劍投批鱗，奏為臣報國衷堪剖，投荒縮刃心甘  
受合小生此去會試不遠，大家各自努力，目看朝論

如何，倘得一官，我們再作道理。生正是。

尾聲同人雅集緣非偶，正歡場反惹憤憂，怎肯奔走  
風塵逐馬牛。

小生山上青松陌上塵，外英雄相遇便情親，  
末千金自負難移性，生一諾蒞來許殺身。

評 鳴鳳記以鄒林為正生者，以其卒收誅嚴之  
功，而以前後同勅八臣附之，忠愍居首焉。若  
于頭緒多，故收拾結束，不能合拍，多致紛亂。  
此齣畧出鄒林以鳳洲為盟主，既有同心，至  
赴義後始出結勅嚴之局，則線索清矣。一部  
提掇全在此齣。

第九齣 分唾 監咸韻

副淨扮世蕃病狀貼旦，小旦扶上。打鼓弄琵琶，自  
家害自家，下床吃投腦，上床吃西瓜。嗽介痰多喉

內痒、搖背介、髓竭遍身麻、一羣追命鬼、弄得眼前  
花、又大嗽介、爰樂罷了我了、我嚴東樓、風流了一  
世、糊塗了一時、只因那仇總兵進了一班、二十四  
名歌妓、與俺那老頭兒慶壽、俺心中不由的發痒、  
那仇總兵十分幫襯、也就照樣兒教了一班女樂、  
齊、上、整、上、送來、上堂去、吹的吹、舞的舞、鎮日價紅  
裙翠袖、鬧的個骨軟筋麻、上床來、叫的叫、抽的抽、  
終夜裡、倒鳳顛鸞、弄的個魂飛魄散、又嗽、又捶介、  
爰樂罷了我了、如今弄成一身虛火、化做滿肚起

痰、良魚、懸、結成一塊、上不上、下不下、喉嚨裡只管  
探頭、臊狐涎、何止幾缸、滾過去、滾過來、胃腔裏不  
住倒臟、又嗽介、我想這些麩痰、沒處發脫、吐的滿  
地下、精臭、亂腥、把個大絨卧毯、也汗了、把個玉唾  
壺、也滿了、如今想起一個絕妙的法兒、把幾個了  
頭、起名香唾盂、但是痰來、即將他那香噴、的、口  
兒、到俺嘴邊、一口接去、叫他嚥入肚中、或者日後  
結成個香孩兒、也不可、知這幾日、全不見趙文華  
來看我、他為人絕善趨承、他如見我說的香唾盂、

定然喜倒。或者連我這些美人的香唾盃，他先吃個乾淨，也不可。知叫人來，如刑部趙爺到，請書房相見。內應介又嗽小旦口，這哩介。

**皂羅袍** 副淨 莫道稠腥難燕，論噴癰吃痔，比蜜還甜。蠅因貪穢，即為其蠅，能滾糞，休嫌淡。俺口中吐出，你舌尖要含。趙郎如到，怕他落涎，把這膿痰當做饅頭餡。

丑抄趙角帶青衣上 侯門無吠犬，只為客頻來。不是能鑽洞，如何得早開。下官趙文華，聞知大老爺

偶感痰火，一向多求美女，想是俺那海狗腎房術甚効了。今日一來問他病症，二來有一件好事奉承他，十分湊巧，來此府前門上有人麼？說刑部趙文華持來問大爺的安。**裏**正來的好，大爺問過兩次，你老就曉得來的妙。**報介**丑趨入，作跪扶介。連日不曾見得大老爺，不知欠安。問遲有罪了。**副淨**多勞，不敢當，請坐。**坐介**副淨嗽小旦接，丑欲接不得介。**副淨**小第一向苦痰，才尋這個香唾盃，法兒只叫這些歌妓們接了去，十分有趣。兄說何如。

丑 小弟平昔學醫，這些痰火，極怕勞吐，越傷肺火。這個法兒，以陰補陽，妙。大爺這痰，原是他們弄出來的，還着他們燕進去，雖是他們收進去，還要大爺弄出來，這是神仙不倒缸。副淨笑介說的有趣，嗽不出介，嗽出小旦歌接丑代接燕歌嘔裏笑

前腔 丑 只有唾餘堪啖，怕隨風吹去。珠玉難探，柏梁甘露未能耽。含香雀舌方知感。副淨一嗽丑貼旦爭接介替你呵卵，還愁口鹹替你効力，願將糞鑽。副淨

付要鑽我的囊，把我當做小官要我了。丑 不敢不敢，要你快活呵，情願鑽，咬住你金鋼搭。副淨二

丑 笑介 這樣幫襯，有趣，連日可見快心的事。打探一兩件來，我們快活。丑 正是，要來奉告，今有夏桂

洲家一位小娘子，是他揚州千金買來，不止才色

且是詩詞歌賦無一不曉，他是朝廷刑過的

把這女子上入官，所自然是大爺受用的，又添上一個香唾盃，那時大爺只賞我老趙一口香噴上

美人的餘唾、就勾了。副淨喜介妙哉妙哉、這等就該叫人捏末。丑還有一件要費周折、如今夏言已免、這此事、都是那錦衣衛經歷沈鍊替他料理、此女子得他一句話、就完了。副淨叫長班、分付他料他、不敢違抗。丑這個沈鍊、是個古怪浸軟、喜的是吃酒、大爺要肯擡舉他、以酒飲之下官、在傍片索可成。副淨這等就請老兄和他同末。丑妙。

妙事偏逢湊巧

副淨佳人指日完成

縱是有謀有勢

未必天意能容

評戲者戲也不戲、則不笑又何取于戲乎。本曲求要笑甚難、故于世蕃香唾盃中取出、以供噴飯。

第十齣

保孤

商調先天韻

霜大曉角。副末白鬚青衣上。程嬰前案、莫道天難見。

慈悲死別在黃泉、又苦生離腸斷。

菩薩丑晉誅趙盾情何烈、楚逐伍員迹不成。冤淚

入江流、鬧花滿地愁容散。西門別燕語、空梁月、

難去相投。何人是孔褒、俺朱裁、向在夏耒命門下。

做一裁縫，曾因叫去裁衣，取出金緞八疋，叫俺拿回自量尺寸，不料到家拆開，內中捲藏各有蒜條金一條，每條重四十兩，足有三百二十兩金子。俺即時將原緞封還，稟知夏老爺，以此說俺米裁，輕財重義，是個好人，把俺兩口兒收在宅內，奉應不拜到京，因開邊上本，與嚴家不和，惹出這等大禍。末昨日老爺受刑，無人收葬，平日同年同鄉至親，及友，俱怕嚴家，沒有一個敢來探問一報，可憐可憐。哭介：就是家人親戚，也都走了，只落得我米裁。

夏兩口兒守着地，老夫人和他二夫人，蕪娘子，素遇有一個好人是錦衣衛官，叫做沈鍊，平日不識老爺一面，反賒了一口杉木壽器，把老爺寄葬在

城外寺中，不見旨意，不敢回籍安葬。今日早間，自下把老夫人問了流徙，該流廣西全州府安置。不日起行。哭介：又有一件天大的事，着實難處。那二夫人，蕪娘子是揚州人，今年二十一歲，懷有五月身妊。我老爺一生無子，尋了這個夫人，指望後嗣。今嚴家人多，黨一洩漏，行出那剪草除根的計來。



來或使人謀害。或將小夫人擄去。既係大仇。何所  
不至。我朱裁想起那趙氏孤兒一段公案。要和老  
夫人商議。把小夫人潛藏了。同俺朱裁兩口。且逃  
往他鄉。倘生得一子。也是我夏老爺有後。不枉了  
老爺擡舉我朱裁一場。且請老夫人出來商議。

**前腔**

老旦素服丑扮朱妻隨上

啣冤遭變骨肉情何

**慘貼**

難將心事向人言

淚搵珍珠線

老旦死別生難

實可哀。天心何意降非災。**貼**也知燕子樓無主。爭  
奈驪珠久在懷。**副末**老夫人小主母。我朱裁叩頭。

老爺大事多生受你一人照管。如今我們是罪人。  
真該流徙。不知有意下了不曾。**副末**稟上夫人。今  
早旨意已下。該在廣西全州地方。有五千餘里。明

日起程了。**老旦**貼抱哭介。苦殺人也。天那

**哭相思**生死一朝同拆散。愁魂又逐陽關遠。**副末**老

夫人不消啼哭。事已到此。小人有一言告稟。如不  
早說。明日起程。不便行走。**老旦**有話但說不妨。**副**  
末。小人受老爺夫人大恩。無門可報。今老爺難遭  
非禍。聞得小夫人有五月身妊。只怕那嚴賊知道。

必有毒害之計。萬里程途，使人暗害。把老夫人的性命，俱遭毒手。不如稱此時，將小夫人付與我老两口，帶回杭州，潛往他縣，倘生一子，就是趙氏孫兒。一點血脉，我朱裁也盡了一片忠心。老夫人回來，再得團圓，豈不兩全。貼哭介妾受夫人擡舉，老爺又遭大難，本要一死全節，只目身懷有孕，不便殺身，情願與夫人同死一處，怎麼難得下。老二你

不肯離我，也是真心。朱裁說的是好話，難得他老夫妻這一點好心，你也不要執了。聽我道來。

尾犯序逢難遇凶殘，地覆天翻，人亡家亂，投荒邊戍，那更萬里間關，怎禁得香樵玉悴，還指望遺珠合劍，正好去歲形潛迹，速避野村廬。

前腔貼注介數載受慈憐，飛鳥瞻依，難酬恩戀。青年嬌質，怎避得豺狼憂患。嘆今夕空庭聚首，知明日何方投竄。從今後桂林越水，兩地各風烟。老旦二娘，你

休煩惱，就該今夜起身，粧成村內婦女，與朱裁兩口見出城，另尋寓所。我明日是官身，有押解官差，不便別你了。朱裁請上，待老身拜謝。副末老夫人

我小人不敵。老旦副末拜介。

黃鶯兒。孤危幸周全。為奸邪受國冤。一門蓬梗如星散。親知莫憐。家奴盡捐。你高年重義偏同難。合伏天緣。夏門有後。嬰白義堪傳。貼夫人請上。如家拜辭。貼

拜哭老旦扶介

前腔。弱質遇顛連。受奔波苦萬千。飄花落絮隨風轉。

朱門繡簾。銀屏錦鴛。舊烏衣。盼不到堂前燕。合副末

丑拜老旦介。俺朱裁夫婦也就拜辭。老夫人去罷。

猫兒墜。平生恩養奔走已多年。兜地風波失泰山。天

心一綫續忠賢。魂牽望天賜孤兒明珠再圓。老夫人

一路風塵還要保重老爺一生忠義出京門自

有人照管只是老爺陰靈不得面叩大家望空辭

眾衆朝外拜人

前腔。老旦。一生清白。忠義立朝端。直道亡身墮整淵。

芳名留紀筆如椽。堪憐萬死投荒。孤身又慳。眾抱哭

介

尾聲。合相離別。肝腸斷。今生未卜返家園。還恐奸邪

耳屬垣。內云夏宅有人麼。俺是差官押解夏老夫人

的明日早行。副末知道了，快走快走。

副末 死別生離道路長。貼 天涯回首暗風霜。

副末 丑 小旦 先下

老 只今作者腸堪斷。但恐傍觀淚萬行。

許 朱裁義僕也。當與東漢李善并傳。鳴鳳記載

之甚詳。故不忍遺。以度今之為人役者。又使

桂洲有後。見天道之不絕善人也。作至此。大

覺淒然酸鼻。或觀者不免矣。

第十一齣 辱佞 中呂調 庚青韻

善賢歌 丑 便衣 笑上 權門趨走慣營生。巧語花言笑

幾聲。蓬鬚大翅翎。窮涎白眼睛。覓個嬌娥小官就升。

自家不是別人。趙文華的便是。在人前說兩句公

道的熱嘴。其實是個趨勢利的班頭。人背後有

副滾熱的面皮。罵不出慣趨承的圈套。昨日要得

嚴大爺歡心。把個夏閻老的小夫人。輕上的一句

話。送上他。喜的就要一時到手。要說做趨諂的手

段。就該把我的妻兒女兒。情願奉上。還怕他不肯

笑納。那裡顧得甚麼天理。只是一件難事。有個沈

青霞錦衣衛一個經歷。他偏官開事。甚是執拗。如今聞得夏老夫人發配廣西。他這個小娘。料不肯去。定是嫁人。今日想了一計。先把這個沈經歷收將來。做了嚴家的門客。他自是奉承我的。又怕那沈官看破。反說我借花獻佛。被他奚落。如今只說嚴大爺請他賞花。那人極是一個酒客。不由他不上俺的道兒。來此是他寓所。門上有人麼。快報說刑部趙爺相訪。

行香子外便服上世事難平。氣鬱如蒸。嘆人情反覆。

無憑。冰山易倒。海市難成。抱忠懷。思古道。笑浮名。

三盃濁酒不消愁。環玦臨風泣未休。安得上方斬

馬劍。等閑誅却佞臣頭。俺沈青霞只因夏閣老為

嚴嵩奸臣所害。官小力微。不能相救。因他無人救

驗。替他買一棺寄于寺中。連日以此悲傷成病。今

日要出門散步。門外何人相訪。見介原來是趙老

先生。失迎有罪。丑一向久慕義氣。不曾專謁。今日

嚴東老傾慕之久。托小弟致意。要與兄訂交。今日

他家牡丹盛開。欲借斗酒。以板大教。如肯枉駕。小

弟就約同行。外小弟以粗野寒官無故干謁權貴，似乎僭越。丑老先生不知嚴東老極是好相與的，外人不知說他倨傲實是個佳公子，會一會，邊邊大有妙處。外作沉吟背語。介我久聞嚴世蕃驕詐慢客，趙家是他的弄臣，他來此定然有意，不免同他一往，看其何如。笑介小弟本不敢當，同先生專來，只得奉陪。丑如此甚妙，就此同往，已到相府門上，有人麼。內應介大老爺在後花園，請進裡面。副淨錦衣四美人扶上長夜笙歌燈未滅，閑庭絲管

酒仍催，權門蟻聚人將滿，別院鶯啼客未來，倚嚴東樓，回聲色之樂，弄出一病，近日少愈，正當清明佳節，海棠半放，家樂新成，昨約趙文華，招那沈經歷同來，謀娶夏桂洲那楊州的妾，至今不到。衆稟介稟老爺，趙主事和沈經歷候見。副淨叫他進來。丑趨進外，欲回。丑拉入。介二公枉駕，小弟病後失迎，共揖。介就此登樓，小酌一樂。外學生久失奉謁，蒙老先生以趙兄見招，自覺輕造，不勝惶愧。副淨老先生高風俠氣，都下久傳，何幸辱臨，深感高雅。

叫家樂伺候看酒來小旦貼送酒副淨歌妓學給  
新曲唱來侑酒

石榴花小旦良晨美景啼鳥喚春晴桃半吐柳含青

梨花院落月微明響檀槽齊按銀箏舞介輕斟醪醑

舞鮫鮪人在蓬壺境海棠紅零落胭脂傍鞦韆笑打

流鶯副淨飲酒無令不樂請行一令丑還是大爺發

揮恭聽的東副淨如此借了擊鼓傳花花到者一

巨觥酒底驢鳴鶯飲外請問何為驢鳴副淨學驢

叫外何謂鶯飲副淨學鶯行如不似者取皮板使

美人掌嘴三下揪耳灌鼻一氣跪乾外老先生也

在令中這等學生借先副淨以到為公傳花擊鼓

至丑止介該趙老先生吃酒飲介請酒底丑以手

據地學驢叫再次地作鶯行介副淨大笑介着實

不像歌妓揪耳灌鼻丑跪乾掌嘴介再擊鼓花至

外止介外老先生專以花送外客未免不公學生

有一說使歌妓以錦帕蒙頭擊鼓學生才服副淨

也罷遵命了小旦蒙頭擊鼓花至副淨衆大笑介

外請老先生乾過酒底照令副淨不飲介丑大爺

犯令使歌妓代罷外胡說老先生官雖驕貴也

學生官雖卑微客也趙老先生以客倭主該罰者

巨觥來外灌介丑罷了我了吐介外老先生原

行此令客已先遵今日犯令不行未免以貴凌人

學生不肯容你五步之內請以血濺矣外副淨灌

介快行酒底外跨副淨驢鳴驚飲仍揪耳掌嘴三

下亂打丑副淨伏入卓底戰介取酒來待我自罰

大杯外大笑自飲介

前腔外灌夫行徑一怒武安驚傾百斗似長鯨非關

罵坐効狂生視群兒何異螟蛉持手板嚇丑介侯門

犬鷹辱衣冠堪與家奴並任趨炎蟻附蠅羶似穿窬

狗盜鷄鳴仰天大笑出門去我輩豈是蓬蒿人外下

丑副淨起介有這等一個輕薄畜生決不饒他丑

下官不知這廝放肆如此另尋法結果他倒是下

官得罪了怒介

泣顏回丑粗劣儂酸丁奮螳螂敢與車爭公麼窮命

那堪招朱戶金屏狂奴步兵他犯酒令行軍令原有

話竟不曾與他提起反受他一場羞辱本憐他弱



鳥依人。反做了獬狗嗥庭。

**前腔** 副淨 鯨生何事敢崢嶸。平白使酒。怒發雷霆。顛

狂野性。笑山雞未見神鵬。看這廝故意仗酒來俺跟

前放肆。或者還有人主使也。不可知小弟病遭他

一頓拳頭。腰肢弱絮。狗傭奴偏是拳頭硬。香唾盃

無福難消。長春藥何法醫疼。**丑** 大老爺不須發怒。待

學生明日稟過大堂。說他把夏家罪人子女。欺君

隱漏。問他要人。畧使一點毒手。殺之何難。**副淨** 正

是。

賞花逢惡友

飲酒遇狂徒

**丑** 恨小非君子

無毒不丈夫

評 保孤既令人悲。不接以快心之齣。則神氣不

揚。故有沈青霞辱世蕃一案。然不辱蕃華。又

何以為青霞乎。按皇明法傳錄。有陸炳邀沈

於嚴席。面辱世蕃之事。原非添設。

第十二齣 馬市

淨扮番官上。了角山前馬萬群。塞川滿谷似屯雲。

龍城邊行全無用。惟仗和番誑主君。俺乃西邊順

義王帳下垂官達不花是也。自從俺答侵掠明朝，直至北京，無人阻擋。那嘉靖皇帝被那奸相嚴嵩與總兵仇鸞結成一黨，無將無兵，俺得滿載而歸。如今也要興兵與俺大戰。那明朝文武那有實心和俺廝殺的。仇總兵叫將通事求俺講和，要許俺每年通貢，情願納銀四十萬，緞子五萬疋，借馬市為名，好哄那嘉靖老兒。即主有命，挑選瘦馬五千匹，在大同城外通市。今日且索走一遭，把都們那神、丑末老旦貼扮上。

水底魚、象、白草、黃雲、天山、驅馬、群、羊、裘、狐、帽、鷹、狗、亂、紛、南朝子女和、金銀、漢文帝許和親、毛延壽、獻昭君、稟主帥、喚把都兒們那邊使用、淨、今有即主傳令、要瘦馬五千匹、與南朝通市、大家帶些梯已馬兒、羊兒、牛兒、人參兒、貂皮兒、舍列孫兒、率領五千人、馬把帳房安在大同城下、那仇總兵給俺十萬銀子、五千緞子、便罷。如要不勾，吹角為號，即便分搶。這馬夫們可曾完備。象、五千馬俱完備了。只是瘦的、趕不動。淨、吹起角來，驅馬慢行便了。吹角掌號。

衆行介

紅綉鞋合馬蹄蹴起黃塵。黃塵鳴金吹角。飛奔飛奔。大同外帳房屯。索蟒緞。換貂參。駝元寶。醉醺醺。下

第十三齣

憂國

仙呂入雙調東鍾韻

謁金門生冠帶上。桃浪湧。賜宴宮花。恩重受命。楓宸

期靖。共丹心空自捧。猶念當年。藥救表。一朝雷動看

花遊。莫言季子窮時事。自古功名起飯牛。下官楊

繼盛。幸登一第。殿試二甲。得遂事君之志。難酬一

命之榮。今已除授南京吏部驗封司。尚未領憑。但

奸相當國。時事日非。為人臣子。徒受國恩。思之有

媿。門上看有同年命來。即速通報。小生冠帶上

前腔小生花滿長安。香送蹀躞馬蹄風擁。未冠帶上

釋褐天衢。尋二仲。聯鑣春晝永。下官王邁。字繼津。霸

州人也。呀。鳳洲年兄。早先在此。莫非訪楊樹山年

兄。小生見介。小弟也是訪樹山年兄。大家請進。生

迎介。小生三徑獨徘徊。生高軒忽破苔。末蓬門無

容至。生今始為君開。二位年兄請坐。不知今日朝

政有何異聞。小生小弟總閱邸報。有成寧侯仇鸞

上開馬市一疏，已奉聖旨，發帑金二十萬，遣戶部  
 上大同，這分明是納歲幣買和了。以後還講甚麼  
 邊事。生有這等事，王繼津年兄何所聞。末小弟聞  
 敎座師講，大內有一件妖怪，白日出來吃人，有十  
 個眼睛，十隻手，一塊黑氣，從屋上墜下來，豈不是  
 災異。小生笑介。生鳳洲年兄大笑，必有所解。小生  
 這個怪物，只在大學誠意章內就有，何必另講。生  
 請教。小生十手所指，十目所視，下邊那一句是  
 歷，衆大笑，妙哉妙哉，真不易之論。

五供養，生天災頻動，宮闈多變，邊事倥傯，借業方救  
 日發帑，又和我即西邊之事，將來破壞不支，還恐朝  
 廷之上，別有隱禍，專權納賄，門戶東西爭訟，不思  
 軍國計，徒竊鼎鍾榮，狐鼠相將，無非趨奉。

前腔，小生兵戈冗，朱紫盈朝，祿食千鍾，楊年兄不  
 久又往金陵，小弟史館尸位，一官才結綬，兩地又  
 飄蓬，賈誼年少，誰信洛陽悲痛。末那聖上日在玉芝

宮脩齋禮醮，以國事付之嚴嵩父子，好似宋徽宗  
 道君皇帝，五賊亂權，青詞稱佞相，玉鼎信衆龍官

署連雞誰為鳴鳳生小弟欲奏一疏將仇黨開馬市

之奸秘結嚴嵩內外品權上其十不可之謬一位

年兄以為何如小生年兄不係言官又是新進聞

得錦衣衛沈青霞徐學詩有本忝他俱問了道成

得禍而無濟于國不如觀事機以求有濟

江兒水小生欲洒山河淚空懷國士風當軒不識鄒

枚頌瞻天補牘心何猛望空投血功無用反笑醢雞

盤菴今燕雀危簷覆餗猶資梁棟

前腔生搏虎心原壯屠龍志不同人臣見義當忠勇

宮微也受君王俸時危肯待奸邪橫逢比何妨血逆

太痛哭書生也有丹誠堪貢未年兄之志固然不

且暫上南京到任再作區處

未欲把封章奏九天生但憑隻手挽龍泉

生朝廷補袞何人事痛哭陳言自少年

評按忠愍年譜王公蓬者死友也臨難託子獄

中結姻不避禍不棄貧所謂死生節義之交

至王公而罕傳矣官至工部尚書享年髦耄

而終至歿期夢忠愍來相迎朋友一道可忽

哭

乎哉。忠愍曾孫老儒。諱維新。即王公孫甥。述其事如此。今年七十五矣。

第十四齣

前疏

商調魚模韵

鳳凰閣生便服上。名場多故。空把儒冠耽悞。漫勞回首。省皇都多少。傷心之處。孤忠難語。想補衮堂簾久。疎夕陽空照。巷。淡無語。古道人不。行。秋風動。砧杵。下官楊椒山。自南都考滿北歸。復授兵部車駕司員外之職。近見仇鸞以馬市欺蔽聖上。嚴嵩內升為奸。我想他罷深權重。除了我楊椒山。再沒有

敢劾仇鸞的了。今日無事不免焚起香來。修成一

本明日早朝面奏。有何不可。磨墨作寫介。

高陽臺烈之天朝堂之中土。肯容小醜輕侮。推轂橫

戈。豪傑懷仇恢復。臣想俺答。去年犯我內地。我與誓

不而立。這馬市一開。有十大不可。請為聖上言之。

雄武螳螂敢犯車轍。怒蹂我寢陵門戶。天下知興兵

北伐呵。奉犁庭天詔。人頗牧。臣想中外之界。不

容混淆。我明朝一統中原。何等尊大。今日反與之

通和。

前腔難負。奏築長城。漢開邊徼。河套至今不取。冠履懸絕。反許通和。開路還感。甘將武備。弛守畧。黠詐縱橫。可慮更邊。民狡計還防。通鹵。那中國奸臣。目我邊事不振呵。

前腔非福。借馬伏奸。投桃索報。不少支吾。詭數彼馬無窮。我國征徭已苦。愚魯驂騮。汗血終不給。堪笑驪黃牝牡。終是敵強我弱。將羊喂虎。十大不可。既已寫完。此中還有五謬。臣當一一辨之。  
前腔聽訴。借口羈縻。虛言駕御。終是眼前飾語。得免

亡羊空記。離牢虛補。謬悞塞翁。得馬仍伏禍。但借載

其題目。還怕乘機入寇。指稱別部。臣見大臣為仇。齋

主謀馬市。明知不利國家。只圖目前為安。欺救皇

上。寫介

前腔奸諛。內固國恩。外憂兵變。緩戰通和。隱護塗飾。前言恐致奸謀。張露氣盡。龍庭奮劍。有衛霍直取穹廬。大漠里君王燕然勒石。銘功銅柱。此疏一上。奸雄

可以騰寒。中國大為吐氣矣。不免早朝面奏便了。

不寢聽金鑰 因風想玉珂

明朝有封事

數問夜何如

評此齣俱以原疏為粉本一段不遺頗有臨摹  
合律之巧

第十五齣

射像

黃鍾調尤候韻

外軍扮上孤力不成難射虎雄心無用枉屠龍  
關欲洒直臣淚萬里難聞長樂鐘俺沈青霞同使  
酒惱了嚴世蕃把趙文華大辱一場又叅他一本  
也是俺生平快事誰料這廝請俺飲酒要圖夏太  
師的二夫人做妾後來使趙文華投搨在刑部大

堂說的是俺隱漏不報欽犯家眷將俺庭杖發保  
充軍在此倒也快活眼裡不見這些不平的事何  
等自在有些邊上義氣秀才逢四談文逢九舉箭  
今日携酒到此又是箭期了想必到也虛下末從  
人携酒弓矢上

出隊子末提壺携酒為訪高陽共破愁塞垣謫客興

難酬賭飲高歌還贏箭籌丑扮人携酒上

前腔丑間行閑走到處逢人嘴似油腹中無墨強胡

謔但要開懷先罰大甌丑末見介末北京蒞來謫吏



此人甚有義氣。丑義氣義氣，還要把他懲治。末這怎麼說。丑你不知道，強龍不壓地頭蛇，他雖是個官兒，到我們這邊，也該送些人事。那北京有息香京綸，多少做些體面，白己的騙我們酒吃，醉了口裡，哼將起來，不知拿着本甚麼書，高談濶論，笑我們是不識字的秀才。我到看他不上。末你不知道，他念的出師表，此人與嚴閣老做對頭，也是個奸漢，一言未盡，沈先生來也。見外介二位何未請問。大號末學生姓名，名仁，字和之。丑學生姓名，名義。

字小字，久聞老先生善射，善飲，敬來專拜。大家射箭賭酒，每一籌算三百，做東道。外有趣有趣。今日不射大把子，只要四十步一幅白布，画三個大奸臣，射中者飲酒過籌。末請問那三個奸臣。外唐朝李林甫，宋朝秦檜，今日明朝就是嚴嵩了。丑老先生，這個李林甫秦檜，是前代奸臣，射他罷了。這個嚴閣老，現任的大臣，我小弟是不敢射的。外吳兄，既然胆小，請二位射。那李林甫秦檜，我學生是嚴嵩的對頭，不怕他，我自射罷。末這也使得。待學生

老忠言

先射李林甫來外射中的奉一大杯不中的過一  
籌末射介不中待學生罵來

醉羅歌末林甫林甫真遺臭奸相奸相善佞柔把唐

朝忠鯁盡誅流邪媚把君王誘霓裳羯鼓淋鈴雨愁

馬嵬蜀道皇輿遠遊三朝釀亂為戎首心似劍舌如

勾斲棺斬首罵千秋射中介中了看酒來飲介丑秦

檜老步生和你速日無冤近日無仇今日要奉敬

你一箭你休見怪射不中介聽我見教

前腔丑秦檜秦檜真遺臭賣國賣國有機謀把宋朝

天下掌中收獻幣甘臣寇順昌穢落鞞韜馬收金牌

頌詔英雄斷喉含冤三字莫須有長舌婦大脚囚鞭

屍碎骨罵千秋連射不中介學生與秦老先生無仇

我那箭到眼前那秦檜把嘴一努就過去了罷一

大碗罷飲介外該學生射這奸相嚴嵩了也待學

生數其罪而誅之怒介

前腔外嚴賊嚴賊真遺臭父子父子似鴟鵂與明朝

忠烈結冤讐誅殺憑神手搖唇鼓舌陽光暗幽興波

起浪江河逆流求山勢倒終難守狐九尾蛇雙頭藁

長卷已 上卷 五

街肆市罵千秋連中介小弟連中嚴嵩三箭，甚是得意，可連飲三大杯。二兄明日輪籌，再做東道。三飲

介五餘下的酒，待學生消遣了，取壺飲乾介

外酒散邊城怒未休，權將弓矢代春秋。

末平生自負穿楊技，丑暫借奸臣作射侯。

丑笑上，有道等一個狂，飲沈經歷，敢射當朝嚴閣。

老我正要上京納吏，不免將此事投報嚴老爺，恐

然重用我，正是真信直中直，須防仁不仁。若無奸

狡漢，那顯正直人。丑笑擺頭下。

評 此出沈青霞小傳，以此賈禍，不忍泯其狂直。

第十六齣 謫遇 仙呂入雙調齊微韻

生巾服後人行裝隨上，蜀道難，直道難，直道難，直道難，于

蜀道難，人情險，莫扳路漫，雪漫，楓葉，臣心一

樣丹，奸諛骨已寒，偷楊椒山，自諫馬市上，跡聖上

已有覺悟之意，被嚴嵩奸臣用計沮救，反說俺撓

亂邊機，把俺發了錦衣衛，一撈一夾，意欲害死，誰

知聖上止降了原官，謫為狄道縣典史，還是聖恩

寬厚，今日起程前去，路費不足，跨一驢而行便了。

寬厚，今日起程前去，路費不足，跨一驢而行便了。

執鞭行上介 你看好風雪也

止新水令生中原兩雪嘆無衣送西風蕭蕭行李丹

心成泛梗熱血等寒灰國事堪悲搵不住孤臣淚下

南步嬌老旦丑扮解子上同雲淡日蒼天殺野曠

人無倚鴝鴒遠樹啼內作鴝鴒介念老身夏柑洲妻

子充配全州這等寒天大雪你還怪叫怎的鴝鴒

呵敗國亡家斷送人憔悴丑老夫人赶上車子快

行還有五千餘里路哩風霜萬里迷暮年孤寡身

狼狽下

北折桂令生上望臨洮邊樹迷離說甚麼投荒弔遠

遷客妻其嘆梅福當年作尉浮沉小吏半隱棲遲本

待要淨風霾澄清攬轡又誰料遇冰霜倒折傾葵天

運難回臣力孤危到不如擊柝關門負弩登陴下

南江兒水老旦丑上嘆白髮閨中寡受黃封閣下妻

一朝禍到翻天地孤魂何日丘園瘞遺珠何處天涯

寄瘴海蠻烟無際萬死殘生望不見浮雲白日下

北雁兒落帶過得勝令生從上本待學漢朱雲借劍

威也不讓強項令鷹鷂力本待學段秀實笏擊賊也

不讓狄梁公清君側。俺想那夏相國負屈而亡。曾

御史含冤而死。這賊好不狠也。當之者宗族夷。犯

之者頭顱碎。奸回真個有倒海移山計。還期要圖個

燃臍射雉機。

南僥。令老旦左。於介。六花風攬墜。雙淚凍還啼。俺

只見冰開橋橫波濤沸。且自與浮槎渡野溪。

行不的。且自坐一時。

北收江南。生從右。於上。呀。漱寒沙。不斷水流西。隔前

村天晚。雪風吹。只得下驢來。喚船過去。作下驢介。江

山薄暮雨淒淒。叫小童看船。不見舟泊前溪。老漁披得

釣蓑歸。未搖艇上。罷釣歸來不繫船。江村日落正堪

眠。縱然一夜風吹去。只在蘆花淺水邊。列位請上

船。丑。眾。爭先上。介。丑。我們是官差。眾。我們也是官差。

丑。那裡的差。眾。是上廣西全州的欽犯夏老夫人。

生。原來就是夏老夫人。晚生一時失瞻了。老旦。生

見介。不知老夫人一路辛苦如此。前途還有門生

故吏照管麼。老旦。一路投人。俱推不在。哭介。還有

半萬之遙。老身幾番要尋自盡。這解官又不容。生

老忠言

老夫人放心。晚生是楊椒山。有同年張聯在廣西。此人義氣可以相托。即寫一封書帶去。老旦待老身拜謝。

南園林好。老旦遇歧路同難提携。登舟處天意何奇。多感得朱家仗義書。紙濟艱危。生家人取筆硯來。

就此寫書。老夫人親自帶去。寫介送書介。老夫人一路難行。晚生跨得一蹇。可乘此前去。送到臨洮不遠。我自徒步而往。老旦多謝。大人請上。容老身叩謝。同拜介

北沽美酒帶過太平令。生這相逢似有期望雲山。暗飛同禍蒙冤。孤與嫠任恹惶分涕。悲岸柳賦江蘇。正風霽晚冬天氣。衆望丹楓遷臣揮淚。染湘竹娥皇。留碧鷺白鷺衝遠起。溯清波同舟共濟。俺呵。憐伊嘆伊。生悲死悲。呀。喚不醒九天昏睡。下 舟介

生江天雪後遇流人。老旦歧路逢君洒淚頻。合惟有感君並積恨。萬年千載不成塵。

老旦上驢下。生步下。  
清江引。未搖舡唱蘆花秋水清無底。坐看沙鷗戲不

爭利與名那管權和勢。醉斲高卧在舡倉裡。(下)

評 鳴鳳記有過夏一齣。乃作驛中相贈托書事

頗同。但詞典關目俱欠生動。故以南北調暢

之

第十七齣

梟鸞

正宮詞文思韻

破陣子 淨蟒玉上手握絲綸天柄。兒承鬼域家傳。國

計遺謀多用賄。工媚逢君獨善說。難容鼠竊奸。

自家嚴太師。久任樞衡。勢傾中外。爭奈仇鸞這厮。

窩在俺門下出身。接舉他封侯加爵。位至師保。不

料聖上寵眷特隆。專以邊事任他。這厮近來漸覺

真心。常有公本直達御前。看實可恨。當日議開馬

市。與俺吞通和。不過借此名色。冒破些朝廷銀兩。

遮飾目前。每年有俺的常例五萬。不料這厮費了

國家四十萬銀兩。只買的幾百匹瘦馬。盡皆倒死。

俺的常例。全不解來。那俺吞借名通市。依舊放槍。

昨日邊報傳來。大同城下。得了馬價十萬。忽然進

口。又將原馬盡皆搶回。似此邊事日壞。難以遮飾。

恐皇上覺悟。未免連累于俺。昨已將這厮數年通

邊用賄。欺君不戰之罪。盡行密奏。皇上大怒。發密旨一道。遣兵部尚書趙錦。假說巡邊。特賜尚上方劍。就軍中將仇鸞斬首。奉示。此乃机密軍情。不敢洩漏。看兵部大堂。趙爺到。快傳。衆應介。末冠帶扮上。未聞。紫閣黃麻台。先見。調元攝政臣。門上有人。麼稟兵部趙爺。求見。衆稟。淨迎見介。正要奉請。求教。又蒙先施。末。下官聞內閣有秘旨。欽差。特求指授方畧。淨。顧介。左右迴避。衆。下。向來仇鸞提兵馬市一節。原是學生許他。賈。暫免國家用兵。當初

被楊椒山看破。不料破敗至此。日後皇上覺悟。不止累及學生。就是老先生現任兵樞。也是大不便的。昨日已將這廝通謀賈和。糜費內帑的罪。一一參奏。聖上大怒。特賜尚方劍。欽差老先生行邊。就帶錦衣衛去。一面。當旨。即時。奉旨。傳示九邊。那沒來邊事破壞。俱推在仇鸞身上。我兩人豈不乾淨。此計何如。末。這是太師的妙用。下官蒙恩。借庇多矣。如此。今日。就行。淨。正是。

四邊靜。淨。邊庭大事多機秘。欽差事星急。賊子擅通



番金錢辱邦國。錦衣捧劍部官齎。只說是行邊奉

旨莫姑息。叫人來取劍。勅伺候。衆捧劍勅上。

前腔末。恩公教命知端的。疾忙敢停迹。星夜即兼程。

吉凶在呼吸。尚方賜劍。誘來入室。稱賀只須臾。行法

一時畢。不用再三多祝付。淨。想來都是會中人。末。衆

捧劍勅下。

淨。市場原來這件事。弄得這等破壞。當初楊主事

恃叅仇鸞馬市有五謬。十不可之疏。力沮馬市不

便。十分有識。目他破我成說。把他一夾一撻。照作

典史去了。此時聖上見馬市既敗。想起這個本必

然重。因此人不如我先做個大人情。將他連上起

陞。料他感恩。必不懷恨。這是顛倒英雄手段。把那

朝廷公典。做我的私恩。豈不妙哉。好計好計。縛虎

何如。還放虎馴龍。不必更屠龍。下

丑。扮仇鸞戎裝。并左右旗幟甲士走上。介。

神仗兒。天顏有喜。天顏有喜。傳頒金幣。遣元臣親齎。

褒寵皇恩特異。親賜劍下丹墀。早聞開京報說。聖上

遣兵部大堂。賜上方劍。一同行邊。副將以下。先斬

後奏。叫將官伺候香案。

滴溜神仗末穿服甲士卒捧劍勅黃旗走上介彤庭

下彤庭下鳴騶列戟西邊上西邊上揚旌建旆尚方

千將特錫提兵視九道賞功除罪轅門外列黃旗

門外列黃旗丑上迎介末仇總兵親接秘自左右

迴避衆下末開讀丑跪介皇帝勅諭總兵仇鸞妾

開馬市暗結西番實為買和引兵內犯失悞軍機

通賊賣國着兵部尚書趙錦即以尚方劍軍中梟

首傳示九邊特勅甲士上新仇鸞介叫將士即將

仇鸞首級傳示九邊衆軍伺候領賞

黃龍滾元惡定崇階國法懸誅格傳示邊場鼓舞軍

聲沸合九重決計三軍辟易將令嚴敵寇畏軍聲起

衆稟上老爺西邊俺各來索馬市金銀已進大同

口子聽知殺了仇總兵後營口外二百里走了

尾聲末年年馬市愁傾國把百萬金錢借寇資合令

日呵就寸斬元兇法已遲下

評鸞不梟無以快桂洲與椒山之憤也明史殘

屍不足昭法故使嚴用計行誅亦以見小人

之反覆。權利不可以久固。牙觀者至此快心。  
當浮一大白。

第十八齣

化番

中呂調蕭豪韻

縷金丑袴。斧上窮老漢。住西郊。高年無脚力。少糶  
燒臨洮。南山裡。煤窰是寶。奈土番占住。把山包斷了  
煤山道。老漢是這臨洮。一個里長。俺這邊城地方。偏  
是糶貴。往常年。西山裡有一座煤窰。極是便的。只  
因有這些回子。把山封了。不許人去取煤。他單  
要賣貴糶。弄得這一方百姓。只許買糶。每擔多幾

倍錢。實是苦惱。我老漢非去偷掏些煤炭。被他  
頂好打。我要去告。那官甚是怕他。動不動要發。要  
換官府。越發不敢了。早在此想一想。虛下

前腔。老旦持褐上。窮老嫗。拈絨毛。織成姑褐線。費心  
勞。長機。僅匹半。全家倚靠。官司半價要開交。現有官  
差討。我老婦是狄道縣一個寡婦。因這地方出一樣  
姑絨褐。只有那西番姑。會織。大家買的絨來。拈  
成細線。不知費多少工夫。湊成一疋。也有八十餘  
尺。可賣三十兩銀子。眾人今去養家度日。可憐這

上司偏要發價來買，縣官那敢受價，白地派出個機戶來，坐名催比，發官價三兩銀子，還不勾打發差人的可憐，我這死絨禍，就是性命了。  
哭介 不如投水尋個自盡，且在此想一想。  
丑 見介，你老人家話，我都聽見了，如今縣裡來了一個四爺，說甚是利害，你我且去見他，一見看他何如。  
虛下

菊花新 生 角素冠帶上 青衫黃綬髮蕭蕭 獨坐空堂

日寂寥 槐影午陰搖 山色民淳訟少 下官自謫居秋道縣典史 一向政簡民安 無甚職掌 到也清閑 只

是地近西番，風土粗野，今日縣官公出，只得坐堂看有甚事。  
丑 老旦上來此衙門口，大家進去叫介告狀人進。  
生 老漢有甚事實，說來。

駐馬聽 丑 憤氣難熬，說起教人心痛焦。這個地方有

西山一座煤洞，平日專出煤炭，只為地連山洞，起爨炊烟，全仗煤窰。有這西番回子占住，不許百姓採取，他封山不許外人掏賣，柴多索窮民鈔。因柴價湧貴，俱被土番獲利，小人不平，因此往取煤炭半筐，被他痛打一頓。老爺呵，地厚天高，與民作主。

開煤等。生這老婦人有甚話說。可告來。

前腔。老旦孤寡無聊。織褐為生活計。小。這個地方因

出姑絨。小婦人借此米身。有上司貪取發價差官。

勒限難饒。只發官價強買。把一家的性命都坑了。只

圖苞苴結官僚。坑民勒價憑誰告。望老爺呵。地厚天

高。與民作主除強暴。生如今縣差在那裡。老旦現隨

老婦人要這尺絨褐。只與三兩官價。生有這等事。

叫進來。雜扮皂隸上見介。生你是堂上大爺皂隸。

目何要這婦人的絨褐。禰稟上二爺。不學會他開

事。這是按院路老爺。要買姑絨一百疋。與嚴閣

送壽禮的。現有差官立等。不干小人事。生這等即

叫他的差官來見我。只說二爺請你。他到時自有

話說。雜下末扮差官上。察院威風大。差官體面尊。

本縣二爺請我有何話說。進見欲揖。生不理介。你

是按院差官麼。末正是。生有何公幹。末奉差。未提

姑絨一百疋。與嚴閣老送禮。生有公文麼。末有。取

公文送生念介。欽差巡按陝西等處監察御史路

為公務事。仰該縣動支存留無碍官銀。照市價買

六

六

姑絨一百疋限某日解院勿遲特票生入袖介好  
個御史好個路楷這是奉的欵件麼叫左右取大  
板伺候把這厮重責三十稍與你那巡按你說我  
楊典史不准來行末不服採打介有這等一個典  
史又打叫老爺饒介差官聽我分付回你老爺的

話

前腔生你說我楊典史呵巡捕臨洮職小官輕志氣  
豪也冒特參馬市劾奏嚴嵩激怒當朝姑絨不傍納  
征徭如何敢向窮民要犯法違條我捕官不肯遵提

調快趕出去公文留在我衙內差官討公文介生討

打末哭下老旦多謝老爺老旦下生叫那告煤裏

的老漢過來我與你一個票子叫本處里長和那  
土番伺候我親去開山叫他同土番自來回話  
票介使皂隸一名同票去丑只怕他不來生咳胡

說

前腔生票仰番苗邊內山場屬本朝既有土司轄管  
取利開煤財用寬饒公家大寶勝私樵肩頭小利何  
足道我今將稅俱定了官價煤與稅同稅賤民勞知

違申作山中盜。休二人持票去。限即日回。要丑雜領得恩官命。明朝即便回。衆下衆於京報上。朝廷治亂觀新政。草野威名起直臣。俺乃西安府打報的。報楊老爺起官。陞山東青州府諸城縣知縣。有布政司文憑。即日起馬到任。見票介生原來起用山東。倒也離京不遠。看香案伺候。臣楊繼威。只說長謫邊方。那知聖上還有悔悟之日。望拜介

撲燈蛾逐臣仍戀闕。瞻天三舞蹈。賜環錫花封。悲感喜奉丹詔也。窮邊遠檄草野內歡騰。民謠移甘棠。琅

琊海島問歸囊。清風雙袖任逍遙。衆上票老爺縣上

催轎馬伺候老爺起身。外有土番和百姓。今將煤窰大開。來叩謝老爺。又有闔學生員。同老爺立下書院。義田。有碑文要刻。外邊候見。生着進來。衆於土番耆老。生員上丑老爺開煤。番民受利無窮。情願替老爺立生祠。小生衆老恩師立下超然書院。義田千畝。求老師留下一篇碑文。永垂不朽。生學生待罪貴地。多任性直行。豈敢借此沽譽。衆土番哭介小的們捨不得老爺去。只這絨。褐。省。了。多。少。

錢

前腔丑山城多僻野。窮民苦羅皁。上官費支吾。妾待福星臨照也。微求漸少。開利藪。邊彙全消。講詩書。廣垂聖教。立生祠。萬年瞻仰。頌椒聊。衆取酒來。衆百姓先敬老爺。小生先讓閣學先敬。各跪敬酒叩介。生就此告別罷。衆小人要遠送。生這已遠了。衆拜介好老爺。地方沒有造化。多留幾年。生衆洒淚介。  
尾聲杜鵑聲裡春歸早。渠鶴相將去路遙。衆還望甘霖歌四表。

生一曲驪歌不可聞

衆西風落葉正紛紛

小峴山碑在應流流

生南望皇都近五雲生下

衆市場再沒有這樣好老爺了

評 按年譜自述。在狄道開煤窰。禁征褐。悉如此

齣。至立學校。引水興利等政。則先生實有經

濟。未得少抒。徒以死忠自見。亦可悲矣。先生

之蒞吾諸者。百二十年。充產於諸。私淑久而

得官於容。為先生繪其生面。豈偶然哉。聞之

諸人傳曰。先生將赴南都時。與一老生相別



命沽酒一杯永訣。自謂此行為國除奸，未必復見。然則殉義之志久決矣。諸之老孝廉劉斗酌諱元化。以洛川令終。今年八十五。謂允言如此。公祠在諸邑西門內。亂後圯。碑存焉。

